

Na osnovu člana 2.2. i 2.12. Izbornog zakona Bosne i Hercegovine ("Službeni glasnik BiH", broj 23/1, 7/02, 9/02, 20/02, 25/02, 4/04, 20/04, 25/05, 52/05, 77/05, 11/06, 32/07, 33/08, 37/08, 32/10, 18/13 i 17/14), člana 7. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik BiH“, br. 9/10, 37/10 i 74/11) i Odluke Općinskog vijeća Stari Grad Sarajevo o raspisivanju Javnog oglasa za imenovanje 2 (dva) člana Općinske izborne komisije Stari Grad Sarajevo, broj: 02-49-224/15 od 24. aprila 2015.godine, Općinsko vijeće Stari Grad Sarajevo raspisuje

JAVNI OGLAS

za imenovanje 1 (jednog) člana Općinske izborne komisije Stari Grad Sarajevo

Raspisuje se Javni oglas za imenovanje 1 (jednog) člana Općinske izborne komisije Stari Grad Sarajevo.

Uslovi koje kandidat mora ispunjavati:

I-OPĆI USLOVI:

1. da je lice sa pravom glasa,
2. da posjeduje odgovarajuću stručnost i iskustvo u provođenju izbora.

II-POSEBNI USLOVI:

1. da ima evidentirano prebivalište na području Općine Stari Grad Sarajevo ;
2. da ima završen pravni fakultet, odnosno VII/1 stepen stručne spreme društvenog smjera ili završenu višu školu, odnosno VI/1 stepen stručne spreme društvenog smjera;
3. da posjeduje iskustvo u provođenju izbora

Pod iskustvom u provođenju izbora podrazumijeva se:

- članstvo u izbornoj komisiji,
- članstvo u biračkom odboru,
- rad u stručnim organima koji su pružali pomoć u provođenju izbora,
- objava stručnih i naučnih radova iz oblasti izbora.

Izuzetno od odredaba iz tačke 3. Posebnih uslova ovog Javnog oglasa, član Općinske izborne komisije može biti osoba koja ima završen pravni fakultet, odnosno VII/1 stepen stručne spreme i društvenog smjera, ukoliko posjeduje iskustvo u radu izborne komisije u trajanju od namanje 2(dvije) godine od stupanja na snagu Izbornog zakona Bosne i Hercegovine.

Izuzetno od odredaba iz tačke 3. Posebnih uslova ovog Javnog oglasa, član Općinske izborne komisije može biti osoba koja ima završen pravni fakultet, odnosno VII/1 stepen stručne spreme.

Prilikom izbora članova Općinske izborne komisije osigurat će se multietničnost, tako da odražava zastupljenost konstitutivnih naroda, uključujući ostale, vodeći računa o posljednjem popisu stanovništva.

Sastav izborne komisije će, u pravilu, održavati ravnopravnu zastupljenost spolova.

Za člana Izborne komisije ne može biti imenovano lice (član 2.3. Izbornog zakona BiH):

1. koje se ne može kandidirati u smislu odredbi člana 1.6., 1.7. i 1.7a. Izbornog zakona BiH;
2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
3. koje je nosilac izabranog mandata ili član izvršnog odbora organa vlasti, osim u slučajevima predviđenim članom 2.12 stav 4. Izbornog zakona BiH,
4. koje je kandidat za izbore za bilo koji nivo vlasti;
5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje 4 (četiri) godine, računajući od dana pravosnažnosti Odluke.

III-POTREBNA DOKUMENTACIJA:

- Prijava o učešću na Javnom oglasu sa kraćom biografijom kandidata, adresom i brojem kontakt – telefona;
- Ovjerena fotokopija diplome o završenom fakultetu, odnosno višoj školi;
- Dokaz o potrebnom iskustvu u provođenju izbora;
- Svojeručno potpisana i ovjerena od nadležnog organa, izjava o nacionalnoj pripadnosti kandidata;
- Svojeručno potpisana, ovjerena od nadležnog organa izjava kandidata pred nadležnim organom da se na njega ne odnosi član 2.3. Izbornog zakona BiH;
- Ovjerena fotokopija lične karte i CIPS prijavnica (koja ne može biti starija od 6 mjeseci)

IV-TRAJANJE MANDATA:

Mandat članova Općinske izborne komisije traje 7 (sedam) godina od dana davanja saglasnosti od strane Centralne izborne komisije BiH na Odluku Općinskog vijeća o imenovanju člana Općinske izborne komisije.

V-ROK ZA PODNOŠENJE PRIJAVE:

Rok za podnošenje prijave na Javni oglas je 8 (osam) dana od dana objavljivanja oglasa u dnevnim novinama.

VI- DOSTAVA PRIJAVE

Prijave na Javni oglas, sa potrebnim dokazima o ispunjavanju navedenih uslova, kandidati će dostaviti, u zatvorenoj koverti, putem Službe za opću upravu Općine Stari Grad Sarajevo (**šalter sala – prijem podnesaka**) ili poštom na adresu: **Općina Stari Grad Sarajevo – Općinsko vijeće Stari Grad Sarajevo – Komisija za izbor i imenovanje, sa naznakom "PRIJAVA NA JAVNI OGLAS – NE OTVARATI".**

Nepotpune i neblagovremene prijave se neće uzimati u razmatranje.

Broj: 09-05-2752/15